

الرشاد

سری ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۳ — ۲۲۵ ۲۳ محرم ۱۳۳۱ پنجشنبه ۲۰ کانون اول ۱۳۲۸ جلد ۲ — ۹

هر آنگذردن تأسف و تأثر له آه و فغان ایشیدلکده و دولت و ملت یاردم و معاونت ایچون بر حسن و سائق طبیعی حاصل اولمقده در .

مثلاً کربلا ده ، حضرت حسین رضی اه عنه حضرتلرینک صحن شریفنده بوندن اقدام تشکیل ایدن بر اجتماعده بیکارجه علما ، سادات کرام ، اشراف محلیه ، اهالی و بالجه تجار و اصناف طویلانهرق متعدد کیمسه لر طرفندن ایراد اولنان حماسی ، مؤثر ، حسی نطقلر قرائت و ایراد اولندقدن صکره امامی قارده شلمزک اک محترم و نفوذلی علمالری امضالریله بالجه شیعیلر آغزندن عتبه هایونه بر تلغراف بیکیلرک بوتون مسلمانلرک حرب و جهاده مهیا بولندقلری عرض و بیان اولمشدر .

تلغرافک جوانی کمال انتظار ایله بکادکلی صیرالرده صدراعظم پاشا حضرتلری طرفندن حکومت عثمانیه نك تشکرات صمیمه سنک علمای مشار الیمه عرض و تقدیمی ضمننده کربلا متصرفی رشید پاشایه طوغریدن طوغری به کوندریلان تلغراف اهلینک حسیات دیندارانه و حیثیورانه لرینی بر درجه به قدر تسکینه سبب اولمشدر .

بناء علیه تبلیغات مذکوره عقینده مادی اعانات جمعنه حکومت طرفندن تشبث اولمش و بلدی داتره سننده متصرف ریاستی تحتنده تشکیل ایدن قومیسونه کمال خواهشله اهالی محلیه اعانه تقدیمه باشلامشدر .

بو آنه قدر بغداد و ملحقه اتنده طویلانان اعاناتک مقداری بویوک بر یگون تشکیل ایشدر .

بو قدرله اکتفا ایتیه رک ، وسیله دوشدکجه ، زیارت کونلری اثناسنده و هر جماعت نمازی عقینده دین و دولتک تعالیسیله ارسلان عسکرلرمزک مظفریت و موفقیتلری ایچون مجتهدین کرام و علمای اعلام طرفندن خیر دعالر ایدلکده و بو صورتله عواطف و حسیات اسلامی لرینی علناً بیان بویورمقدن کری قالماقده درلر .

بغداد ، کاظمیه ، کربلا ده بویکی دعالر اولندیغی مثللو نجفده ده بویوله دعا و نطقلر حضرت علی کرم اه وجهه افندمزک صحن شریفلرنده ایراد اولمشدر .

از جمله نجفده کی احرار ابرانیه طرفندن شور برایکی سنه اقدام تأسیس اولنان (علوی) و (مرتضوی) مکتبلری طلبه سی صورت مخصوصه ده و هری برکونده صحنه کلرک غایت فصیح و بلیغ دعالر ، نشیده لر ، نطقلر مذکور طلبه طرفندن قرائت ایدلش و حضاری غریق تلفف و تأثر ایشدر .

هله کربلا ده ، بایرام کوننده ایفای تبریکات ایچون حکومت قوناغنه کان ایرانیلرک تأسیس کردلری اولان (حسینی) مکتبی طلبه سندن بری طرفندن ایراد اولنان نطق ، اوقدر حضاره تأثیر ایشیدی که ، هونکور هونکور اغلامشدی .

بایرامک دردنجی کونی متصرف لوا نزاکه مکتب مذکوره کیدرک مکتب هیئت مؤسسه و تعلیمیه سیله طلبه به اعاده زیارت ایلش و کندیلرینه بیان تشکر ایشدر .

کچن سنه روسلرک محرم آئی اثناسنده ایرانک اک برنجی ایالاتندن معدود اولان آذربایجانک مقرر حکومتی اولان (تبریز) شهرنده کندی خونخوار و وحشی قازاقلری واسطه سیله اجرا ایتدکاری وحشت و مظالم اوزرینه بالجه شیعیلرک متلدی بولنان آیه اه محمد کاظم الحراسانی حضرتلری ، ایرانیلری جهاده دعوت ایتک ایچون ایرانیه متبیه عزیمت بولندقلری صیره ده ناکهانی بر صورتده اشجو دنیای فانی ترکیه دار عقبایه متأثراً رحلت بویورملرینه سببیت ویرلدیکی کبی ، بوسنه دخی بالقان حکومتلرینک دولت علیه قارشو اتحاد ایلدکاری وضعیت انتقامجویانه اوزرینه نجف مجتهدین کرامندن آیه اه شیخ عبده المازندرانی حضرتلری بردن بره راحتسزلهرق ، سلائییک سقوطلی خبری نشر ایدلسی عقینده تأثرلرندن ترک جامه حیات مستعار ایدرک سرای جاودانی یولی تعقیب بویورمشدر .

کرک مرحوم محمد کاظم الحراسانی و کرک شیخ عبدالله المازندرانی حضراتی دائماً عثمانی و ایران مشروطیتی لهنده اجاله قلم ، سرد مقال ، حصر وجود

و بذل نفس ایتکله بو آنه قدر کسب اشتهار و ادراک مشوبات ایله کلری هرکسک تحت تصدیقنده در . انتباه اسلام ایله جمع کله توحید اوغورنده بو ذوات کرامک مساعی حسنه لری شایان تشکر و امتناندر .

[استطراد - سلائییک سقوط ایتدیکی خبری کربلایه منعکس اولدیغی کونده ایران تجار و احرارندن (حاجی آقا مهدی) نامنده برغیور و حجتلی ، دیندار مسلمان کندی قوناغنه کیمش و آغلایه آغلایه ترک حیات ایشدر .] حاصلی دولت علیه و طولایسیله اسلامیتک حال حاضرده دوچار اولدیغی اضطراباتندن بالجه خطه عراقیه اهالیسیله شیعیلری تعریف و توصیف قبول ایتیه جک درجه ده متأثر بولمقده در .

بو کونلرده ایسه زیارت کونلری اولدیغندن کربلا و نجف قصبه لری اطراف و اکناقدن زیارت ایچون ورود ایدن زوار ایله طولودر . بو سنه یالکز ایرانندن سکسان بیک آدم بورالره کلشدر . سائر زوارله برابر جهات مختلفه دن کلنلرک عددی یوز بیکی متجاوزدر . خانه لر ، اولر ، خانلر ، چارشو و بازارلر ، سوقاقلر لبالب طولودر . هر جماعت نمازی عقینده عساکر عثمانیه نك نصرت و ظفریاب اولملرینه بیکارجه خلق و زوار طرفندن خیر دعالر ایدیورلر . هرکسک اعماق قلبنده معنوی و اضطرابی برکدر وارددر . کیمسه نك یوزی کولیور . تأثر ، تحسر ، حزن و کدر جمله مسلمانلری آغیر برکابوس آلتنده از مکده در .

بونکلر برابر آسایش حکمفرمادر . والی ولایت کلدی ، فرمانی اوقوندی . فرمان عقینده تحریرات مدیری والینک نطقی ده اوقودی . هرکس یکی تعیین اولنوب بغداده - اولدجه - صلاحیتله مواصلت ایدن والینک اجرا آتته انتظار ایدیور . ایرانندن بر جوق جنازه لر دخی بورالره کتیریلرک بر جوق دفینه پاره سی کندیلرندن استحصال اولمشدر . بوسنه ، صولرک فقدانندن زراعت کرکی کبی حاصل اولدیغندن آز جوق قیتق وارددر . هرشی بهالیدر .

خطه عراقیه قبائلی ده ویرکولرک آغیر لغیه کندیلرندن ایستیلان بقایادن حکومت قارشو ناخشود بروضعیتده بولنیورلر . حتی حکومت قارشو متحداً طاوواغنه اتحاد بیله ایشدر .

بعض اراضی مسائلی اوزرینه (آل شیلی) قبیله سیله (بنزرغ) قبیله سی بیننده بویوک خونریزانه برمصادمه و قوعبولش و طرفیندن بر جوق مقتول و مجروح دوشمشدر .

بغداد والیسنک بصریه ناکهانی بر صورتده حرکت مهیا بولندیغی شایعه سی بویوک نجفده دوران ایدیور . بصریه ده آسایشک مفقود برحاله بولندیغی هرکس سویلیور . برقچ انکایز حرب کیلرینکده بصره کورفرینه کادیکی سویلنمکده در . بوشایعه لرک نه درجه به قدر موثوق اولدیغی بر درلو کسیدریله مامکده و فقط هر حالده تواتردن عبارت بولندیغی مسلم بولمقده در .

م. م. توفیق

مَطْبُوعَات

مدنی ناموس سزلق

عثمانی مرخصلری ، اوروپاچه بالقانلر حربی ابتداسنده اورتیه چیقاریله رق هر حال و کارده استاتوقونک محافظه ایدیه جکنی محتوی بولونان دستور و قراره استناداً ، اگر بز بالقانلیرک اراضیسنی استیلا ایتسه ایدک ، نتیجه ده بزم اراضی مستولیه یی اشغال ایتکلکمز به بالطبع مساعدده اولونمیه جغنی و بناء علیه شیمدی دخی آوروپانک مقتضای شرفی بو دستور دن ممکن مرتبه آز آیرلمقده بولوندیغی بیان ایتمه لرینه

قارشی ، تان غزته سی دیورکه :

بونلر واهی منظر ! آوروپاچه اتحاد و اعلان اولونان اوقرار البته دولت عثمانیه علیه و بالقان اقوام خرسیتانیه سی لهنه ایدی . البته عثمانیلر ، حکومت متفقہ اراضیسی استیلا ایتسه لر دی ، اورالینی اشغال ایدوب قالمه لرینه مساعده اولونماز ایدی . فقط قعیه برعکس اولونجه ، بالقانلیرک اشغال ایتدکاری اراضیلره صاحب اولملری ده یه آوروپانک اولجه اتحاد ایتدیکی قرارده ضمناً مندیج و صوک یوزسنه لک آوروپا سیاستی اقتضاسندن ایدی . بونی عثمانیلر اولجه بیلمه لی لر ، بناءً علیه بالقانلیر نه ایسته یورلر سه ویرمه لی ایدیلر . شیمدی ایسه پک طبیعی اوله رق : ویل مغلوبلره !.....

عالم اسلام مزار باشنه کتیر یلدی

بوسنه - هر سک جمعیت علمیه سنک ناشر افکاری اولان بوسنه ده منتشر مصباح غزته سندن :

عالم اسلام ، بیک سنه یه یقین برمدت طرفنده مهم ، پک مهم بر اثر حیات کوسترد کدنصره عطالته دوشدی . اولکی نشاط ، فعالیت ، عزم وجهد واجتهاد یرینه اویوشوقلق ، مسکنت ، توکل مذموم قائم اولدی . فابریقه لر ، معملر ، تجارت ، صناعت لفظلری اونودولدی . تنبلخانه ، سفاهتخانه آجق مودا حکمنه کیدی . حکایات واهی ، اختراعات مهمه یرینه کیدی . عالم نصرانیت ایسه کندی طوبلادی . سعی و غیرت سایه سنده پک مهم اختراعاتده بولندی . وسائط ماده ده عالم اسلامه فائق اولدیغنی آکلادی و بناءً علیه آکلامغه قالدیشدی . بو ایکی عالم آره سنده یکیدن مصادمات باشلادی و اوچوز سنه یی متجاوز وقوعبولان هر مصادمه ده عالم اسلام ضرر ایتکه ، دوچار زیان اولغه مجبور اولدی . بونی حس ایدن عالم نصرانیت ، دول نصرانیه مادی ، معنوی وسائطله اهل اسلام اوزرینه یوکلندی . آزار آزار آتی محو ایلک ایچون لازمکن وسائطی استحضار ایلدی . وعصرلر کچدکه ، آوروپالیرک تعبیری وجهله « مدنیت ایلر یله دکه » اهل اسلام علیه هجوملرده تکرر ، تشدد ایدیلدی .

ایشته دولت علیه عثمانیه نک ، تورکیا حکومتک دوچار اولدیغنی و معروض اولقده بولندیغنی هجوملر اهل اسلامک محوی مقصدندن ایلری کلدیکی پک آجیقدر . چونکه بتون اهل اسلامک امیدنجاتی دولت علیه در . بتون عالم اسلامک قلبی دولت علیه در . مسلمانلرک مسلمان اوله رق بقاسی ، عثمانلی حکومتک بقاسیله باغلیدر . بناءً علیه عالم اسلام ، عثمانلی حکومتک ، خلافت معظمه نک ترقی ایتسنی ، قوتلی اولسنی عن صمیم القلب ایستر ؛ دولت عثمانیه نک معنی ، ماده تمالی ایلسنی آرزو ایلر . بونی بیلن ، بونک اهمیتنی تقدیر ایدن اعدای دین اسلام ، هر طرفدن ، هر جهتدن تورکیا علیه یوریدی ؛ آتی وسائل ترقیدن ، اسباب قوتدن محروم براقق ایچون هر کونا حیلله و دسیسه لره صارلدی ؛ قوتسز ، ضعیف قالسی ایچون داخلاً ، خارجاً غوائل احداثه چالیشدی . وایشته کوردیکمز وجهله موفقده اولدی .

عثمانلی حکومتی بر طاق امتیازلرله صارمق - قاپیتولاسیون زنجیرلرله باغلامق بعده تورکیا امور داخلیه سنه قاریشه رق اغوا آت ، افسادات ایله بعض اقوامی ، آنک اداره سندن فک ایتدیروب بو کبی موانع ترقیدن آزاده و سربست براقق ، وهر کونا ترقیرینه سعی و غیرت ایلک و نهایت بونلری تورکیا علیه مسلط ایتک ، دول نصارانک جله مساعیسنندر . بو وحشی جانوارلر ، بو مدنی وحشیلر طرفندن بیکلرجه بیکناه اهل اسلامک قتلنی ، یوز بیکلرجه مسلمانک پامال ایدلیدیکی ایشیدن و حتی کورن مدنی آوروپا دول نصاراسی ، اهمیت ویرمیور . حالبوکه دولت عثمانیه آسایش داخلینی آجیقندن آجیغه ایلاله چالیشوب طوتولان و تحت توقیفه قونیلان بر خرسیتیان ایچون قیامتلر قوبارییور . بیکلرجه صبیان اسلامیه نک ازلدیکی لیانلره بر قایق بیله کوندرمکه نزل ایتین آوروپا دولتلری ، استانبوله قوجه قوجه زرهلیلر کوندیریور . و بو تناقضلرینی طوغری کوسترمک ایچون عالمه قارشو « تورکار

بارباردر ، خرسیتیانلری کسه جکر ، شویله یاپه جکر...» دیه یایغره ایدیورلر . حالبوکه مسلمانلر خرسیتیانلری کسه یدیلر اندلسده ، مجارستان و صربستان ده اهل اسلامدن اثر قالدینی کبی تورکیاده ده خرسیتیاندن بر اثر قالمق ایجاب ایده جکینی بیلورلر . لکن مقصد ، اهل اسلامک استنادکاهی اولان تورکیایی محو ایلک ، ویا هیچ اولماز سه دهها زیاده ضعه اوغرا تقی اولقله هر شیشی تجویز ایدیورلر .

« بر مصیبت بیک نصیحتندن اییدر دیرلر » باری بوندن صوکره اهل اسلام ، متیقظ ، متنبه اولسه لر ؛ نفاق ، تفرقه دن واز کچوب ال برلکیله خلافت اسلامیه نک ترقی و تعالیسی ایچون سعی و غیرت ایلسه لر ؛ صافدلانه ، ساده درونانه بولمسه لر ؛ یالیزی زهر جیلرینی یوتماغه غیرت ایتسه لر ...

شیونک

بالقان محاربانی

مذاکرات صلحیه - صلح قونفران - التجی دفعه اوله رق جمعه ایرتسی کونی ساعت اون برده عثمانلی باش مر صی رشید پاشانک ریاستی تحتیده اجتماع ایتشلدرد . عثمانلی مرخصلری بالقان حکومتلرینک مطالباتنه قارشی باب عالینک تکلیفلرینی تبلیغ ایتشلدرد . ادرنه یی عثمانلی حوزه حکومتنده براقان بر خط حدود ، مرکزی سلانیک اولق اوزره ماکدونیا و جنوبی ارناوودلق مختاری ، بولغارستانه بر مخرج اقتصادی (قواله لیانی) ویریله سی ، تصحیح حدود ، کریدن ماعدا اطله لک حاکمیت عثمانیه آلتنده قالسی . بالقان مرخصلرنجه اشبو تکلیفات قابل قبول کورلمدیکندن باب عالیدن تعلیمات و مساعدات جدیده آلتق اوزره قونفرانس بازار ایرتسنه تعلیق اولمشدر . بازار ایرتسی کونی یدنجی اجتماع بلغار مر صی دانه فک تحت ریاستنده وقوع بواشدر . عثمانلی مرخصلری حکومت متبوعه لرندن انتظار ایتکده اولدقلری تعلیماتک پک کج کلدیکنی و شیفره لک هان قسماً غیر قابل حل برحالده بولوندیغنی بیان ایدرک اجتماع چهارشنبه کوننه تأخیر اولمشدر .

اشقودرده مظفریت . - اشقودرده دن وارد اولان تلغرافنامه لره نظراً عثمانلی اردوسی بکی بر مظفریت احراز ایلشدر . اشبو مظفریت نتیجه سنده محاصره نک رفع ایدلیدی و قره طاغیلرک قطعی برانه زامه اوغرا دیغنی ده آیرجه بیلدیریلور .

یانیه ده یونان اردوسنک عجزی . - یانیه دن وارد اولان بر تلغرافنامه ده یانیه جهتده کی یونان اردوسی یکدیگرینی متعاقب اوغرا دیغنی مغلوبیتلر نتیجه سنده پریشان بر حاله کلش ، آتنده دن تکرار قوای امدادیه طلب ایلشدر . مذکور یونان اردوسی قوماندانی قوای امدادیه نک پک یقین بر زمانده ورود ایتدیکی تقدیرده عثمانلی اردوسنه مقاومتدن بسبتون عاجز قاله جغنی ده آتیه اشعار ایلشدر .

یانیه محاصره سنک رفعی . - اولکی کون یانیه دن مأمورین عاذه سنه کلن بر تلغرافده یانیه ده ارزاق مبذول بولندیغنی و عسکرک قوه معنویه سی یرنده اولدیغنی کبی خط محاصره نک ده رفع ایدلیدی بیلدیرلشدر .

مالبریه ، نفسلرله فی سبیل الله جراحه قوشانلر . - طربزون علما و اشرفنک همات وطن پرورانه سیله تشکیل اولنان کوکلی طابورلرینک ایکی قافله ده اوله رق سوق ایدلیدی و بو باده متشکل قومیسون رئیس مفتی ولایت فضیلانو احمد ماهر افندینک ده برلکده عزیمت ایلدیکی طربزون ولایتنک اشعارندن اکلاشلمش و اخیراً مذکور طابورلر در سعادته واصل اوله رق موقع حربه سوق اولمشدر . بنایت حربدن بری اعانه حربیه و هدایای شتائی تدارک واعطاسنده و هلال احمر نامنه اعانه جمعنده مآثر حمیت کارانه لری مشهود